

RAPORT VJETOR I PUNËS

DREJTORIA PËR URBANIZËM,
PLANIFIKIM DHE MBROJTJE TË
MJEDISIT

JANAR- DHJETOR 2020



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPËSTINA ORAHOVAC
Drejtoria për Administratë të përgjithshme
Odaljenje za Opštu Upravu

-III- Nr. l prot 85 Mb 14.01.2021
Br. prot. Dt. RAHOVEC - ORAHOVAC

KOMUNA E RAHOVECIT

HYRJE

Në fillim të vitit 2020, Drejtoria për Urbanizëm, Planifikim dhe Mbrojtje të Mjedisit ka publikuar planin vjetor të punës, në të cilën është bazuar edhe në punën e bërë për të cilën do të raportohet në këtë raport pune për muajt; janar – dhjetor të vitit 2020.

Tremujori i parë: janar, shkurt, mars

Pas miratimit të buxhetit për vitin 2020 nga Kuvendi Komunal i Rahovecit, Drejtoria për Urbanizëm ka përgatitur materialin për shpalljen e procedurave të tenderimit publik për hartimin e projekteve të ndryshme të Komunës së Rahovecit, procedura momentalisht është në fazën e përfundimtare të lidhjes së kontratës.

Poashtu, janë pranuar detyra projektuese për projekte të reja në komunën e Rahovecit, siç janë: Qendra e Mjekësisë Familjare në Oplotushë, Mbulimi i pllatosë ku zhvillohet festivali "Anadrinia Jehon", shtigje të ecjes, renovimi i stacionit të autobusëve, rregullimi i shtretërve të përrrenjve e projekte tjera me interes për qytetaret e komunës e Rahovecit.

Plani Lokal i Veprimit në Mjedis, plan mjedisor që është hartuar për herë të parë në Komunën e Rahovecit, pasi është dalë në shqyrtim publik me lejen e Kuvendit të Komunës së Rahovecit është miratuar në seancën e marsit të Kuvendit Komunal Rahovec.

Të gjitha kërkesat për Leje Mjedisore Komunale janë shqyrtuar në afatin e paraparë ligjor. Nga 32 kërkesa, 31 janë të miratuara dhe 1 e refuzuar për vitin 2020.

Tremujori i dytë: prill, maj, qershor

Gjatë kësaj periudhe raportuese dhe tërë vitit 2020 mbikëqyrja e projekteve kapitale është bërë me kujdes nga kompania e kontraktuar. Operatori që ka për detyrë mbikëqyrjen e projekteve kapitale, vazhdimisht ka përpiluar raporte mbi punët e kryera si dhe raporte për Drejtorinë e Urbanizmit, si menaxhere e kësaj kontrate të rëndësishme për rritjen e cilësisë të punëve dhe zbatimit të kontratave për projektet kapitale të financuara nga Komuna e Rahovecit.

Kanë vazhduar aktivitetet dhe takimet me kompanitë konsulente për hartimin e Planit Zhvillimor dhe Hartës Zonale të Komunës së Rahovecit. Plani Zhvillimor është në prag të finalizimit, jemi në pritje të marrjes së pëlqimit nga Ministria Ekonomisë dhe Ambientit dhe të vazhdohet me procedurën e shqyrtimit publik dhe pastaj për aprovim në Kuvend, ndërkaq rreth hartimit të Hartës Zonale është pranuar drafti i parë i gjendjes ekzistuese dhe puna është duke vazhduar sipas planit të paraqitur në kontratë, një pjesë e konsiderueshme e punës është përfunduar.

Bashkë me UN-Habitatin kemi vazhduar procesin e planifikimit dhe shpalljes së konkursit ndërkombëtar për hartimin e projektit ideor të sheshit qendror të qytetit në Rahovec. Sipas marrëveshjes që kemi lidhur me këtë organizatë të specializuar të Kombeve të Bashkuara, planifikuesit urban janë vendosur në zyrat e Drejtorisë së Urbanizimit dhe në bashkëpunim me ta kemi përfunduar një pjesë të konsiderueshme të punëve të parapara, janë përfunduar matjet gjeodezike, është formuar ekipi komunal për planifikim, me vendim të Kryetarit, janë mbledhur të dhëna të pjesës ku planifikohet të ndërtohet sheshi, janë marrë informata gjeodezike dhe kadastrale, janë shpallur disa pjesë me vendim

te Kuvendit Komunal, në interes publik për ndërtimin e sheshit, është bërë plani për mbajtjen e diskutimeve publike në fund të marsit, mirëpo për shkak të masave të Qeverisë së Kosovës për mbrojtjen nga Virusit Corona, janë shtyrë në një afat të papërcaktuar diskutimet me qytetarë dhe si formë alternative për të marrë mendimet e qytetareve, ne muajin qershor kemi publikuar një pyetësor online, ne të cilën qytetarët kanë mundësi të japin mendimet dhe idetë e tyre rreth vizionimit të konkursit ndërkombëtar për dizajnimin e sheshit qendror të qytetit të Rahovecit.

Janë shënuar me aktivitete simbolike ditët ndërkombëtare mjedisore, dita e ujit, dita e tokës dhe dita botërore e mjedisit. Në ditën botërore të mjedisit, më 5 qershor, janë shpallur fituesit e konkursit për oborrin më të rregulluar, rrugën më të pastër etj.

Tremujori i tretë: korrik, gusht, shtator

Projektimi i Sheshit Qendror të Qytetit – është shpallë konkursi ndërkombëtar pas një procesi transparent dhe gjithëpërfshirës me mbështetje teknike nga UN-Habitati. Konkursi është shpallur më 1 shtator dhe ka qenë i hapur deri më 16 nëntor 2020. Këtij konkursi i ka paraprirë një analizë e detajuar e zonës ku planifikohet të ndërtohet me të gjitha shpjegimet specifike të qytetit të Rahovecit. Konkursi është publikuar në shumë media të njohura botërore të specializuara të arkitekturës dhe është përshëndetë nga shumë shoqata të arkitektëve vendor dhe të huaj.

Procesi i trajtimit të objekteve pa leje në Komunën e Rahovecit është duke vazhduar, janë pranuar kërkesa të shumta nga qytetarët për t'i legalizuar objektet e tyre, lëndët po shqyrtohen me kujdes, disa prej kërkesave janë futur në listën e pritjes për legalizim, pasi kështu është përcaktuar me ligjin për trajtimin e objekteve pa leje, pasi këto objekte janë të ndërtuara në tokë jo-ndërtimore apo për arsye tjera që përcaktojnë futjen në listën e pritjes, ndërsa janë legalizuar objektet që i kanë plotësuar dhe i kanë përmbushur të gjitha kriteret për legalizim.

Tremujori i katërt: tetor, nëntor, dhjetor

Fokus i periudhës së fundit të vitit ka qenë përcjellja e punimeve në investime kapitale, sigurisht se prioritet kryesor ishte realizimi i buxhetit, jemi kujdesur që punët e kryera të mbikëqyren dhe të shpenzohet buxheti në përpikmëri.

Po në këtë periudhë raportuese kemi edhe punimin fitues në Konkursin Ndërkombëtar për Dizajnimin e Sheshit Qendror të Rahovecit. Arkitektët Thomas Boerendonk nga Holanda, Daniel Arce Chu nga Uruguaji dhe Nguyen Duy Minh nga Vietnami, i kanë dhënë Rahovecit një dizajn ikonik dhe shumëfunktional ashtu siç e kërkuan qytetarët e komunës sonë.


Ecuria e realizimit të projekteve kapitale

- Projekti i ndërtimit të tetë parqeve në Komunën e Rahovecit ka vazhduar edhe në këtë periudhë raportuese, Komuna e Rahovecit ka ndërtuar parqe në Gexhë, Malësi të Vogël, Pataqan të Poshtëm, Dobidol, Sapniq, Celinë, Zaqishtë dhe Ratkoc. Do të ndërtohen edhe në shumë vendbanime të tjera në vitin 2021.
- Ka përfunduar projekti i Kompleksit të Dëshmorëve në Gradish/Xërxe, kushtuar dëshmorëve të komunës së Rahovecit.

- Ndërtimi i kullës prej guri per heronjtë Xhelal Hajda – Toni dhe Selajdin Mullabazi– Mici te vendi i rënies mbi fshatin Operushë, punimet janë afër përfundimit.
- Ka përfunduar ndërtimi i lapidarit “Altari i Lirisë”, kushtuar martirëve të fshatit Guri i Kuq. Lapidari është zbuluar më 14 qershor, në ditën e Çlirimit të Rahovecit.
- Është lidhur kontrata për mbjelljen e mbi 10 mijë drunjve ne komunën e Rahovecit. Deri më tani nga kjo kontratë janë mbjellë rreth 7000 drunj, sipas kontratës i kemi të parapara edhe 7000 të tjerë, po ashtu do të lidhim edhe një kontratë gjatë vitit 2021 për t’i mbjellë 20.000 drunj, ashtu siç ka qenë zotim elektorale. Drunjtë janë mbjellur në qytetin e Rahovecit, në hyrje-dalje të Rahovecit, në Drenoc, Polluzhë, Kramovik, Guri i Kuq, Mrasor, çifllak, Dejnë, Ratkoc, Malësi e Vogël, Gexhë, Xërxe, Fortesë, Krushë e Madhe, Hoçë e Vogël, Brestoc, Opterushë dhe Zaqisht. Drunjtë do te mbillen në të gjitha vendbanimet e komunës së Rahovecit. Ata drunj që kanë dështuar do të zëvendësohen.
- Komuna e Rahovecit momentalisht është duke investuar në trajtimin e shtretërve të lumenjeve në Krushë të Madhe, i financuar nga Komuna. Në fshatrat Hoçë e Madhe, Brestoc, Hoçë e Vogel dhe Nagac, financuar nga Ministria e Ekonomisë dhe Ambientit. Trajtimi i përrrenjve në fshatrat Opterushë, Pataqan i Poshtëm, Malësi e Vogël dhe Polluzhë, bashkëfinancim me grantin e performancës dhe Komunës së Rahovecit. Probleme me shtretër të përroskave kemi në fshatrat Dejnë, Ratkoc, Celinë, Sapniq, Gexhë, nje përroskë e vogël ne Brestoc, pjesën e poshtë te lumit Duhlllo ne Rahovec e përroska tjera të vogla, të cilat do t’i trajtojmë me një kontratë tjetër.
- Po trajtohen të gjitha lapidaret, vendrëniet e dëshmorëve, pllakat përkujtimore, platore të shtatoreve të heronjëve dhe busteve të dëshmorëve dhe dy shtëpitë muze, e Bedrush e Feim Gashit në Drenoc dhe Skënder Rexhepit në Mrasor, financuar nga Komuna e Rahovecit.
- Po rinovohen komplet varrezat e martirëve ne Celinë, financuar nga Komuna e Rahovecit.
- Këtë vit do të përfundojnë punimet në projektin e rregullimit të rrugëve me gurë ne pjesën e vjetër te qytetit. Përveç rrugëve ka ndriçim dhe trajtim të ujërave të zeza dhe ujërave atmosferik.
- Projekti i Ndërtesës së Përbashkët për Banim Social ne Rahovec, pritet të përfundojë së shpejti. Mjetet janë të planifikuara. Vonesa është shkaktuar nga trashëgimi i borxhit të madh në atë projekt.

Me respekt!

Rumir Zhuniqi



Drejtor i DUPMM-së